

13 MAI
RUGACIUNEA
SOBORULUI SF.NOI MUCENICI
AI CERKASKULUI

МОЛИТВА

О, всеблаженный святей мученицы и
страстотерпцы Черркастии, страданьи своими
нашу православную землю уосвятившия и
тела своя безропотно мучениям от безбожников
предавшия, душами же своими, венцами
Божественныя славы увенчанныя, Престолу
Божия предстоящия и непрестанно о ней
молящися! Се ныне, в день вашего
прославления, дерзаем приносить вам сие
хвалебноблагодарственное моление от нас,
недостойных и грешных братии ваших,
преклоняющих колена своего сердца перед
высотой неизреченныя славы вашея, юже
стяжали есте своим праведным и мученическим
житием. Величаем ваша подвиги, светозарнии
воины Христовы, терпением и мужеством
кровавые терзания от своих мучителей до конца
претерпевшия, врага же спасения нашего
посрамившия и тем в нас пламень веры и любви

Божия возжигающих. Ублажаем много-страдальное житие ваше, иже уподобилось великим страстотерпцам земным, за правую веру Христову бесстрашно в руки мучитель предавших и даже до смерти исповедовавших ю. Восхваляем вас, святый новомученики, иже сподобились есте примножити сонм святых небожителей и стяжати венцы достойни, егда по слову Спасителя гнали и поносили вас, и рекли всяк зол глагол на вы лжуще Христа ради, и судили судом неправедным. Вы же, волею своею крестную смерть достойно приявших, льстивых словес отвратившись и мучитель злобных не устранившись, кровию своею безвинною обильно оросили землю Черкасскую. Лобызаем со слезами язвы неизреченных страданий ваших, иже в заточениях от новоявленных гонитель Христовых претерпели есте.

Припадаем к вам, небесные предстоятелие наша и из глубины сердца вопием: святый мученицы Черкастии! Укрепите нас своим небесным ходатайством в мужественном стоянии даже до крови за святую веру и Церковь Православную, да ни скорбь, ни теснота, ни гонения, ни глад, ни нагота, ни меч не возмогут нас разлучити от любви Божия, яже о Христе Иисусе, нас ради крестныя муки и смерть Претерпевшаго.

Призрите милостиво на нас с небеси, испросите

от Человеколюбца Бога и Спаса нашего Иисуса Христа сохранит Церковь, юже основал еси на земли, от зловредных ересей, расколов и нестроений, и да оградит ю от всяких волков, во одежде овчей в стадо Христово войти хотящих. Посрамите, яко посрамили есте слуг антихристовых и мучитель ваших, соблазны и искушения века сего лукавого, оградите нас от его прелестей, да отвергшеся себе и взявше на рамо крест свой, восследуем Христу и вашему богоугодному житию, распинающе плоть свою со страстьми и искушеньми и кознями, от диявола и слуг его исходящими. Помяните немощи и уничижения наша и своими святыми молитвами испросите у Бессмертного Христа Бога нашего, да и мы, земнороднии братия ваша, сподобимся безбедно и невредимо достигнути пристанища вечного спасения, и в блаженных обителях Горняго Отечества вкупе с вами и со всеми от века угодившими Ему водворимся благодатию и человеколюбием Господа нашего Иисуса Христа, Ему же подобает непрестанное славословие и поклонение со Безначальным Его Отцем и Пресвятым и Благим и Животворящим Духом всегда и в бесконечныя веки. Аминь.